

Октябрь

18/1 Преподобному Евмению, епископу Гортинскому.

Тропарь, глас 7

Евмений ачана, пүтым кучымет дене илышетым сорастаренат, йорло-влакым йөрәтен, уло поянлыкетым нунылан пуэнат. Шортшо-влакым лыпландарен, ойгырышо-влакым куандарен, порылыкет дене кече гай волгалтынат. Мемнан языкнам кудалтыже манын, Христос Юмым сөрвалә.

Кондак, глас 2

Поро пиалан ачана, Черкын исархше Евмений, Юмын волгыдыж дене волгалтын, мемнан верчат чарныде кумалын, тыйын чот пагалыме да святой колымо кечетым йөрәтен мурышо-влакымат сотемдарет.

Величание

Тыйым моктена, тыйым моктена, святитель Евмений ачана, да тыйын нерген святой шарнымашым аралена, вет тый мемнан верч Христос Юмынам сөрвалет.

19/2 Святых мученик Трофима, Савватия и Доримедонта (276).

Тропарь, глас 8

Моктымо Кумытло Юмо кум орланышым, Трофим, Савватий ден Доримедонтым, чапландарен: Юмылан ушанамышт дене тушманым сененыт. Христос Юмына, нунын кумалмышт дене мемнам серлаге.

Кондак, глас тойже

Поро уш-акылан Трофим ачана, Черке тыйым орланыше-влакын негызше да поро койыш-шоктышын пенгыдылыкше семын акла, порылыкым пуышо орланыметым пагален чапландара. Тендам, сешаш лийдыме орланыше-влакым, моктен мурышо-шамычлан сулык касарымашым йодса.

Величание

Тендам моктена, тендам моктена, святой орланыше-влак Трофим, Савватий ден Доримедонт, тендан чот жаплыме орланымыдам пагалена, тудым те Христос верч чытенда.

20/3 Великомученика Евстафия Плакиды и иже с ним (ок.118).

Тропарь, глас 4

Господь, Тыйын орланышет-влак, Евстафий, Феопистия, Агапий ден Феопист, индыралтмышт верч Тый дечет, мемнан Юмына деч, курымашлык венецым налыныт: вет орландарыше-влакым Тыйын пуымо виет дене сүмырал шуэныт да ия-влакын тептердыме үчыштым шалатеныт. Нунын молитвашт дене, Христос Юмо, мемнан чоннам утаре.

Кондак, глас 2

Евстафий ачана, Христосын орланымыжым чытен, тый кыртменаК Тудын чашыж гыч пырля йуынат, тыге чапын югыжо лийынат, Юмо деч, Шкеж дечак, сулык касарымашым кұшыч налынат.

Величание

Тендам моктена, тендам моктена, Христосын орланышыже-влак Евстафий, Феопистия, Агапий ден Феопист, тендан чот жаплыме орланымыдам пагалена, тудым те Христос верч чытенда.

21/4 Отдание праздника Воздвижения Животворящего Креста Господня. Апостола от 70-ти Кодрата, иже в Магнисии (ок.130) (служба апостолу Кодрату переносится на 22 сент. ст.ст.).

Тропарь апостолу Кодрату, глас 3

Святой апостол Кодрат, мемнан чонлан сулык касарымашым пуыжо манын, чаманыше Юмым сөрвале.

Кондак, глас 8

Кугу порылыкан Господь, сандалык Тыланет священник-влакым вуйлате, пагалыме еным, чот орланыше апостол Кодратым, конда. Тудым порын шарнен, муру дене чапландарена да языкнам эре кудалташ йодына.

Величание

Тыйым моктена, тыйым моктена, Христосын апостолжо Кодрат, Христосын Поро Увержым шарымет годсо орланымет ден пашатым пагален шарнена.

22/5 Пророка Ионы (VIII в. до Р.Х.). Священномученика Фоки, епископа Синопийского (117).

Тропарь, глас 2

Господь, Тыйын пророктым шарныме кечым пайремлена да, тудым ўжын, Тыйым сөрвалена: мемнан чоннам утаре.

Кондак, глас 2

Өрыктарыше пророк толын: Юмын күштымыжым шуктен, Христосын кумшо кечын Ыльж кынешашыжым палдарен, кугу китын көргыж гыч кумшо кечын эмганыде лектын да Ниневий олалан волгыдо туныктышо лийын. Иона ачана, Юмын айдемным йоратымыжым ончылгоч увертарымет верч тыйым пагален шарнена.

Величание

Тыйым моктена, тыйым моктена, Юмын пророкшо Иона, да тыйын нерген святой шарнымашым аралена, вет тый мемнан верч Христос Юмым сөрвалет.

Тропарь священномученику Фоке, глас 4

Юмылан йөрышö священномученик Фока, койыш-шоктышет дене апостол да нунын престолыштым кучышо лийынат, пашат дене ужмаш күкшытыш шуынат, сандене мутын чынжым раш увертарен, ўшанымаш верч вўр марте орланенат. Мемнан чоннам утарыже манын, Христос Юмым сөрвале.

Кондак, глас 6

Святой ачана, архиерей семын жертвым конден, мучашлан шкендымат илыше жертве семын пуэнат, тыге Христос Юмо нерген законлын ўшандаренат. Суксын пенгыдемдымыж дене колымашым ойырен налынат. Фока ачана, мемнан деке тол, тунам мемнам нигö сенген огеш керт.

Величание

Тыйым моктена, тыйым моктена, священномученик Фока, да тыйын нерген святой шарнымашым пагалена, вет тый мемнан верч Христос Юмым сөрвалет.

23/6 Зачатие честного, славного Пророка, Предтечи и Крестителя Господня Иоанна.

Тропарь зачатию Иоанна Предтечи, глас 4

Ончыч йочам ыштен кертдыме ўдырамаш, куане, вет пычкемыш дене орланыше сандалыкым сотемдарышаш Кече волгыдо көргыштет иланен. Захарий, йывырте, лүдде муро: Күшылсын пророкшо лийшаш йоча вашке шочеш.

Кондак, глас 1

Кугун пагалыме Захарий волгыдын куана, вет моктымо Елисавета пелашыжын көргыштыжө Иоанн Предтече иланен да тидын нерген Архангел куанен увертарен, порылыкын тайныже шукталтмым меат йывырен моктена.

Припев Иоанну Предтече

Господь ончыч толшо святой Иоанн, мемнан верч Юмым сөрвале.

24/7 Первомученицы равноапостольной Феклы (I).

Тропарь, глас 4

Юмын ойырен налме ўдыр Фекла, апостол Павлын мутшылан тунемын, апостол Петр деч ўшанымашлан пенгыдемын, ўдырамаш кокла гыч тый эн ончыч орланыше лийынат, пеледышан олыкыш пурымо семын, тул лонгаш пуренат, Ырес дене аралалтын, янлык ден ўшкыжым лүдыктенат. Чыла моктымо ўдыр, Ырес полшымо дене, мемнан чоннам утарыже манын, Христос Юмым сөрвале.

Кондак, глас 8

Икымше орланыше ўдыр, нарашталык дене волгалтын, орланымаш венец дене сөрастаралтынат. Чот моктымо ўдыр, тый апостол пашалан ўшанле лийын, тулсалымым лупсыш савыренат, ўшкыжын шыдыжым шке молитват дене сорлыкленат.

Величание

Тыйым моктена, тыйым моктена, Христосын апостолжо-влак дене төр шогышо орланыше Фекла, да Христосын Поро Увержым шарымет годсо орланымет ден пашатым пагален шарнена.

25/8 Преподобной Евфросинии Александрийской (V). Преставление преподобного Сергия, игумена Радонежского, чудотворца (1392).

Тропарь преподобной Евфросинии Александрийской,
глас 8

Преподобный Евфросиния авана, мыланна Юмын пуымо түс тый денет түрыс аралалтын: вет шке Ыресетым налын, тый Христос почеш каенат да, пытышаш капым коранден, колыдымо чон верч тыршаш пашат дене туныктенат, сандене тыйын шўлышет Суксо-влак дене пырля куана.

Кондак, глас 2

Мотор үдүр, пылпомышысо ылышым налаш шонен, мландымбалын чыла шерыж деч корангынат. Шергашым пуымо качетым Христос Качет верч коден, пөръен монастырьыште монах лийын иленат.

Величание

Поро пиалан улметым моктена, Юмылан йөрышö Евфросиния авана, тыйын нерген святой шарнымашым аралена, вет тый мемнан верч Христос Юмынам сөрвалет.

Тропарь преподобному Сергию Радонежскому, глас 4

Преподобный Сергей ачана, порылык дене темын, тиде ылышысе чыла алгаштарымаш ваштареш Христос Юмын чын салтакше гай шогенат. Юмым моктымо, тыршен кумалме да пүтым кучымо дене тунемшет-влаклан пример лийынат, сандене Святой Шүлыш көргышкет илаш пурен да Шке порылыкшо дене чот сорастарен. Святой Троице деч йодаш тоштшо ачана, кугу уш-акылет дене погымо күтүэт верч йодын шого да шке шочшет-влак деке сөрымет семын толын кошт.

Кондак, глас 8

Юмылан йөрышö ачана, Христосын йөратымышыж дене авалтын, Тудын почеш пенгыдын каенат, капын чыла ракатшым ужмышудымо лийын, Шочмо Элетлан кече гай волгалтынат, сандене Христос Юмо тыйым öрыктарыше паша дене пойдарен. Тыйын нерген волгыдо шарнымашым аралыше-влакым ит мондо, да тыланет мурена: Юмын пуымо ушан Сергей ачана, куане.

Величание

Поро пиалан улметым моктена, Юмылан йөрышö Сергей ачана, тыйын нерген святой шарнымашым аралена, вет тый монах-влакым виктарыше да суксо-влак дене мутланыше улат.

26/9 Преставление апостола и евангелиста Иоанна Богослова (нач. II в.).

Тропарь, глас 2

Христосын йөратыме апостолжо Иоанн Богослов, түрлө ойго деч аралалт кертдыме ен-влакым утараш вашке, вет Христосын онышкыжо энертымет годым Тудо тыйым коранден огыл да йодметым кызытат колыштеш. Чын Юмым палыдыме-шамычын шем пылыштым шалаташ Тудым сөрвале, а мыланна тыныс ден кугу чаманымашым йод.

Кондак, глас 2

Нарашталыкын түсшö, тыйын күкшытет нерген кө каласкален кертеш? Юмым палыше да Христосын йолташыже семын тый шуко öрыктарышым ыштет, пареммашым пуэт да мемнан чоннам утарышаш верч кумалат.

Величание

Тыйым моктена, тыйым моктена, Христосын апостолжо да Евангелист Иоанн Богослов, Христосын Поро Увержым шарыме годсо орланымет ден пашатым пагален шарнена.

Тропарь святителю Тихону, патриарху Московскому и всея Руси, глас 1

Апостол-влакын каласымыштым тыршен шуктышо, Христос Черкын пачаже-влак верч шке чонжым пуышо поро күтүчым, уло Российын Патриархшым, Юмын шерева дене ойырен налме Тихоным, ушан дене моктен мурена: Господь ончылно кумал шогышо святитель, Руш Черкым тынысыште кучо, шаланен пытыше шочшыжо-влакым ик күтүшкө пого, чын вера деч коранше-влакым окынаш тарате, элнам ваш келшыдымаш деч арале да ен-влаклан Юмын тынысшым сөрвале.

Кондак, глас 2

Христосын святительже Тихон, ласка койышет дене сылнештын, сулыкышт верч окынышö-влаклан үнышылык ден чаманыметым ончыктенат, Чын ушанымашым таныклыме годым да Господьым йоратымаште пенгыде лийынат. Иисус Христос дене уло Юмын йоратымаш деч мыланнат ойырлаш огыл ыле манын, мемнан верч кумал.

Величание

Тыйым моктена, тыйым моктена, святитель Тихон ачана, тыйын нерген святой шарнымашым аралена, вет тый мемнан верч Христос Юмым сөрвалет.

27/10 Мученика Каллистрата и дружины его (304).

Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: вет орландарыше-влакым Тыйын пуымо виет дене сүмырал шуэныт да ия-влакын тептердыме үчыштым шалатеныт. Нунын молитвашт дене, Христос Юмо, мемнан чоннам утаре.

Кондак, глас тойже

Юмын пуымо ушан да порын сенен орланыше-влак, тендам мокташ манын, Черке таче чыла ышта, вет те тудын верч индыралтында.

Величание

Тендам моктена, тендам моктена, Христосын орланышыже Каллистрат ден дружиныже, тендан чот жаплыме орланымыдам пагалена, тудым те Христос верч чытенда.

28/11 Преподобного Харитона Исповедника (ок.350). Преподобных схимонаха Кирилла и схимонахини Марии, родителей преподобного Сергия Радонежского (1337).

Тропарь Харитону исповеднику, глас 8

Харитон ачана, шинчавүд йогынет дене ир мландым нөртенат да чот ойгырен шортмет дене паша саскатым шүдö пачаш шукемденат, чудо-влакет дене волгалтын, сандалыкым волгалтарыше лийынат, мемнан чоннам утарыже манын, Христос Юмым сөрвале.

Кондак, глас 2

Юмын пуымо уш-акылан Харитон ачана, пүтым куанен кучен, капкылын йодмыжым сорлыкленат. Поро пиалан святой ачана, ұшанымаште кушкын, ильш пушенге семын рай покшелне пеледалтынат.

Величание

Поро пиалан улметым моктена, Юмылан йөрышө Харитон ачана, тыйын нерген святой шарнымашым аралена, вет тый монах-влакым виктарыше да суксо-влак дене мутланыше улат.

Тропарь преподобным Кириллу и Марии, глас 3

Чын илыше Кирилл ден Мария, те Христосын пиалышкыже ушненда, яндар еш илышым да йоча-влак верч тыршымашым ончыктенда. Поро койыш-шоктышын саскажым, преподобный Сергийым, мыланна куштенда. Тудын дене пырля Господь Юмым сөрвалыза: мыланнат йөратымаш шүлышым да ўнышылыкым пуыжо ыле, да Иктак улшо Кумытло Юмым тынысын да ик шонымаш дене моктена.

Кондак, глас 4

Ўшаныше-влак, таче пырля погынен, поро пиалан мужырым, чын ўшаныше Кирилл ден тыматле койышан Мариям моктена. Мемнан элыште чын верам пенгыдемдыже, суртнам тыныслык дене леведше, самырык-влакым түрлө осал да алгаштарымаш деч аралыже, шонгылыклан энгертышым да мемнан чонлан утаралтмашым пуыжо манын, нуно Иктак улшо Кумытло Юмым шке йөратыме эргышт, преподобный Сергий дене пырля сөрвалат.

Величание

Поро пиалан улмыдам моктена, Юмылан йөрышө Кирилл ден Мария, тендан нерген святой шарнымашым аралена, вет те монах-влакым виктарыше да суксо-влак дене мутланыше улыда.

29/12 Преподобного Кириака отшельника (556).

Тропарь, глас 1

Көргыштет Юмым нумалше Кириак ачана, тый ир мландыште илыше, чудым ыштыше да капет дене Суксо лийынат. Пүтым кучен, йүд-кече кумалын, молитвам лудын, пылпомышысо суапым налынат. Тый черле-влакым да тый декет ўшанен толшо-влакын чоныштым эмлет. Тыланет пенгыдылыкым Пуышылан чап, тыйым венец дене Сöraстарышылан чап, тыйын гоч чылаштлан пареммашым Кондышылан чап лийже.

Кондак, глас 2

Кириак ачана, Юмын полшымо дене шүм-чон яндарлыкым пойдарен, умдым пенгыдын кучымо семын молитвам эре лудын, ия түшкам сененат, мемнан верчат чарныде кумал.

Величание

Поро пиалан улметым моктена, Юмылан йөрышө Кириак ачана, тыйын нерген святой шарнымашым аралена, вет тый монах-влакым виктарыше да суксо-влак дене мутланыше улат.

30/13 Священномученика Григория епископа, просветителя Великой Армении (ок.335).

Тропарь, глас 4

Юмылан йӧрышӧ священномученик Григорий, койыш-шоктышет дене апостол да нунын престолыштым кучышо лийынат, пашат дене ужмаш кӱкшытыш шуынат, сандене мутын чынжым раш увертарен, ўшанымаш верч вӱр марте орланенат. Мемнан чоннам утарыже манын, Христос Юмым сӧрвале.

Кондак, глас 2

Порын чапланыше да чын верч орланыше святитель Григорийым, уло тӱням волгалтарыше да тудын верч кумал шогышо тале кӱтӱчым да туныктышым, таче ме, ўшаныше-влак, муро дене моктена, вет тудо мемнам утараш манын, Христос Юмым сӧрвала.

Величание

Тыйым моктена, тыйым моктена, священномученик Григорий ачана, да тыйын нерген святой шарнымашым пагалена, вет тый мемнан верч Христос Юмынам сӧрвалет.

1/14 Покров Пресвятой Владычицы нашей Богородицы и Приснодевы Марии.

Тропарь, глас 4

Юмын Аваже, Тыйын толын леведметлан тӧр инаныше еҥ-шамыч, волгыдын куанен, таче пайремым ыштена. Эн Яндар тӱсетым ончен, чон дене шонен, Тыланет кумалына. Шкендын чапле леведышет дене мемнам левед, чыла тӱрлӧ осал деч арале. Шкендын Эргычым, Христос Юмынам, мемнан чоннам утараш сӧрвале.

Кондак, глас 3

Яндар Ёдыр таче черкыште шога да погынышо святой-шамыч дене пырля, мыланна ужаш лийдымын, мемнан верч Юмым сӧрвала. Суксо-влак архиерей-шамыч дене пырля кумалыт, апостол-влак пророк-шамыч дене пырля куанат. Юмын Аваже курым дечат ожно улшо Юмым мемнан верч сӧрвала.

Величание

Эн Святой Яндар Ёдыр, Тыйым моктена да чапле Леведышетым жаплена. Вет мемнан верч кумал шогыметым святой Андрей южышто ужын.

2/15 Священномученика Киприана и мученицы Иустины (304).

Тропарь Киприану, глас 4

Юмылан йӧрышӧ священномученик Киприан, койыш-шоктышет дене апостол да нунын престолыштым кучышо лийынат, пашат дене ужмаш кӱкшытыш шуынат, сандене мутын чынжым раш увертарен, ўшанымаш верч вӱр марте орланенат. Мемнан чоннам утарыже манын, Христос Юмым сӧрвале.

Кондак, глас 1

Юмын пуымо уш-акылан Киприан, юзо вий деч корангын веле Юмын кугу куатшым пален налынат да уло тўнялан ушан эмлызе лийынат, тыйым жаплыше-влаклан пареммашым Иустина дене пырля пуэт. Мемнан чоннам утарыже манын, Айдемым йоратыше Кучен Ашныше Христосым пырля сөрвалыза.

Величание

Тыйым моктена, тыйым моктена, священномученик Киприан ачана, да тыйын нерген святой шарнымашым пагалена, вет тый мемнан верч Христос Юмынам сөрвалет.

3/16 Священномученика Дионисия Ареопагита (96).

Тропарь, глас 4

Орланыше священник Дионисий, святой апостол Павл деч тый порылыкклан да шкендым ўнышын кучаш тунемынат, поро пашалан священникын моторлыкшо дене вўдылалтын, ўшанымашым пенгыдын кучен, икшырымын иленат. Мемнан чоннам утарыже манын, Христос Юмым сөрвалет.

Кондак, глас 8

Кумшо кўкшытыш нўлталме апостолын тунемшыже Дионисий, Пылпомышысо капкам шўлыш дене эртен, тый келге уш-акыл дене пойдаралтынат. Чын Юмым палыдыме пычкемыште улшо-влакым волгалтаренат, сандене мурена: уло тўнян ачаже, йывырте.

Величание

Тыйым моктена, тыйым моктена, священномученик Дионисий, да тыйын нерген святой шарнымашым пагалена, вет тый мемнан верч Христос Юмынам сөрвалет.

4/17 Обретение мощей святителей Гурия, архиепископа Казанского, и Варсонофия, епископа Тверского (1595). Собор Казанских святых.

Тропарь святителям Гурию и Варсонофию, глас 3

Порылыкклан да чын вералан туныктышо Гурий ден Варсонофий, Пычкемыш Озан олам волгалтарен, утаралтмаш корным эн ончыч увертаренда, апостол-шамычын каласен кодымыштым чын арален, ўшанымашын чоткыдо кў менгыже лийында. Сандалыкклан тынысым да мемнан чонлан кугу чаманымашым пуыжо манын, Кучен Ашныше Юмым сөрвалыза.

Кондак святителю Гурию, архиепископу Казанскому, глас 4

Шўм-чон шижмашым сенгымет дене эрыкталтын, кече гай волгалтынат, яндарлыкетым мучаш марте переген, Юмылан ўшаныдыме-влакым Христос деке конденат, садлан колымекетат капет локтылалтын огыл, да Юмо тыланет ўрыктарыше пашам ыштен моштымашым пуэн. Тудлан кумалмет дене мемнам ойго деч коранде, да тылат мурена: куандарыше святитель Гурий ачана, Озан олан пенгыдылыкше да моктымашыже, йывырте.

**Кондак святителю Варсонофию, епископу Тверскому,
глас 6**

Пүтүм кучымет дене капетым шке шүлүшөтүн кулжым ыштенат, шүм-чонет суксын гае лийын, сандене святитель лүм дене чапланет, Эн Яндар ончылно тьят яндар шовет. Святой святитель, калыкетым утарыже манын, Христос Юмым сөрвале, да тыланет мурена: преподобный Варсонофий ачана, Озан оланан пенгыдылыкше да моктымашыже, йывырте.

Величание

Тендам моктена, тендам моктена, кугу святитель-влак Гурий ден Варсонофий, да тендан нерген святой шарнымашым пагалена, вет те мемнан верч Христос Юмынам сөрвалета.

5/18 Мученицы Харитины. (304). Святителей Петра (1326), Алексия (1378), Ионы (1461), Филиппа (1569) и Ермогена (1612), Московских и всея России чудотворцев.

Тропарь мученице, глас 4

Иисус, Тыйын Харитина пачат кугу йүкын үжеш: Качем, Тыйым йөратем, Тыйым кычалын орланем да пудалалтам, Тыйын пуымо Тынеш пурымаште тоялтам, Тый денет ушнымаште кугыжаланаш манын, Тылат верч орлыкым чытем, да Тый денет пырля илаш манын, Тыланет верч колем, Тыланет йөратен кондымо яндар надыр семын мыйым нал. Тудын сөрвалымыж дене, Чаманыше Юмо, мемнан чоннам утаре.

Кондак, глас 2

Чот поро пиалан Харитина, келге уш-акыл да үшанымаш дене шүм-чонетым пенгыдемден, ваштареш шогышо тушманым ужаш лиймын вожылтаренат, вүрет дене чевергыше вургемым чиен, Христос ончылно шовет да суксо-влак дене куанет, лишыл ең деч орлыкым чытыше үдыр, мемнан верчат кумал.

Величание

Тыйым моктена, тыйым моктена, Христосын орланышыже Харитина, тыйын чот жаплыме орланыметым пагалена, тудым тый Христос верч чытенат.

Тропарь святителям, глас 4

Руш мландын первый архиерейже-влак, Петр, Алексий, Иона, Филипп да Ермоген, апостол-шамычын туныктен кодымыштым кү менге гай чоткыдын кучышо да Юмылан чын инанаш туныктышо улыда. Түня калыклан тыныслыкым да мемнан чонлан кугу чаманымашым пуыжо манын, чылам Ашныше Юмым сөрвалыза.

Кондак, глас 3

Святитель саныште тыршен служитлен, ең-влакым Юмым палымашке кондымыда дене Юмылан йөрента, сандене Тудо тендам капдан аралалтмыже да öрыктарыше пашада дене чапландарен, вет те Юмын порылыкын тунемшыже улыда.

Величание

Тендам моктена, тендам моктена, Христосын святительже-влак, Петр, Алексий, Иона, Филипп ден Ермоген, да тендан нерген святой шарнымашым пагалена, вет те мемнан верч Христос Юмынам сөрвалета.

6/19 Апостола Фомы (I).

Тропарь апостолу Фоме, глас 2

Чыла моктымо Фома, тый Христосын тунемшыже, святой апостол-влак погынын енге лийынат. Христосын Ылжж кыселмыж нерген уверлан ўшанен отыл, Тудын орланыше яндар капышкыже тўкнымекет веле ўшаненат, кызыт мыланна тынысым да кугу чаманымашым йод.

Кондак, глас 4

Кугу уш-акылын порылыкшо дене темын, Христосын апостолжо да ўшанле служительже Фома, сулыкшо верч өкынен, Тудлан манын: «Тый мыйын Господем да мыйын Юмем улат!»

Величание

Тыйым моктена, тыйым моктена, Христосын апостолжо Фома, Христосын Поро Увержым шарымет годсо орланымет ден пашатым пагален шарнена.

7/20 Мученика Сергия и Вакха (290-303).

Тропарь, глас 5

Христос верч орланыше-влакым сылнештарыше да Христосын Черкыжын шинчаже-влак, мемнан шўм-чоннан шинчажымат сотемдарыза. Кугун орланыше Сергей ден чот чапланыше Вакх, мыланна языкан пычкемыш деч коранаш манын, Господь Юмылан кумалза. Святой ачана-влак, тендан сөрвалымыда дене ме кас огыл волгыдылан йөрышө лийына.

Кондак, глас 2

Чыла моктымо орланыше-влак, шке уш-акылда дене тушман ваштареш пентгыдын шоген, нунын чояланымыштым чактаренда, кўшыч сенымашым налын, ик ой дене муренда: Юмо дене пырля лияш сай да сылне.

Величание

Тендам моктена, тендам моктена, Христосын святой орланышыже-влак Сергей ден Вакх, тендан чот жаплыме орланымыдам пагалена, тудым те Христос верч чытенда.

8/21 Преподобной Пелагии (457).

Тропарь, глас 8

Юмылан йөрышө Пелагия авана, мыланна Юмын пуйымо тўс тый денет тўрыс аралалтын: вет шке Ыресетым налын, тый Христос почеш каенат да, пытышаш капым коранден, колыдымо чон верч тыршаш пашат дене туныктенат, сандене тыйын шўлышет Суксо-влак дене пырля куана.

Кондак, глас 2

Святой авана, пўтө кучымо дене капетым лунчыртенат, чыла сулыкетым касарыже манын, йўдшө-кечыже Юмылан кумалынат, да Тудо тыйын сөрвалыметым колын, тыге мыланнат языкым касарыме корным ончыктенат.

Величание

Поро пиалан улметым моктена, Юмылан йöрышö Пелагия авана, тыйын нерген святой шарнымашым аралена, вет тый мемнан верч Христос Юмынам сөрвалет.

9/22 Апостола Иакова Алфеева (I)

Тропарь, глас 3

Святой апостол Иаков, мемнан чонлан сулык касарымашым пуыжо манын, чаманыше Юмым сөрвале.

Кондак, глас 2

Юмо нерген почын ойлышо Иаков кугу уш-акылын законжым чын илыше-влакын чонышкышт пенгыдын пыштен. Тидлан тауштен моктена, вет тудо Кучен Ашныше Юмын чап престолжо ончылно суксо-влак дене пырля куанен шога да мемнан верч чарныде кумалеш.

Величание

Тыйым моктена, тыйым моктена, Христосын апостолжо Иаков, Христосын Поро Увержым шарымет годсо орланымет ден пашатым пагален шарнена.

10/23 Мучеников Евлампия и Евлампии (303-311).

Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: вет орландарыше-влакым Тыйын пуымо виет дене сұмырал шуэныт да ия-влакын тептердыме үчыштым шалатеныт. Нунын молитвашт дене, Христос Юмо, мемнан чоннам утаре.

Кондак, глас 3

Поро орланыше-влакым, ушан Евлампий ден тудын шүжарже Елампиам, порын шарнена. Ыресеш Пудалыме Христосын куатше дене нуно чын Юмым палыдыме-шамычын осалыштым сененыт, сандене орланыше-влакын чапыштым да моктымашым налыныт.

Величание

Тендам моктена, тендам моктена, Христосын орланышыже-влак Евлампий ден Евлампия, тендан чот жаплыме орланымыдам пагалена, тудым те Христос верч чытенда.

11/24 Апостола Филиппа, единого от семи диаконов (I).

Тропарь, глас 3

Святой апостол Филипп, мемнан чонлан сулык касарымашым пуыжо манын, чаманыше Юмым сөрвале.

Кондак, глас 4

Чын Юмым палыдыме-влакым Христос дека öрыктарышын кондышо да Тудын тунемшыже-влак дене мутланыше, ойырен налме апостол-шамыч коклаште улшо Филипп таче уло тўнялан пареммашын поянлыкшым пуа, тудым моктышо-влакым тўрлö ойго деч авыра, сандене тудлан мурена: святой апостол, шке молитват дене чылаштым утаре.

Величание

Тыйым моктена, тыйым моктена, Христосын апостолжо Филипп, Христосын Поро Увержым шарымет годсо орланымет ден пашатым пагален шарнена.

12/25 Мучеников Прова, Тараха и Андроника (304).

Тропарь, глас 5

Святой мученик-влак подвигышт дене Пылпомышысо Куатым öрыктареныт, порын тыршен, колышашлык кап да Ёресын вийже дене нуно капдыме тушманым ужаш лийдымын сененыт да, мемнан чоннам чаманыже манын, Господьлан кумалыт.

Кондак, глас 2

Кумытло Юмын чапшым ончыктен, орланыше Тарах, Пров да Андроник, Христосын кум лüддымö саркуралышт, нуным индырыше-влакым Чын Юмым палыдымышт верч вурсеныт да пенгыде ўшан дене орланеныт.

Величание

Тендам моктена, тендам моктена, Христосын орланышыже-влак Пров, Тарах да Андроник, тендан чот жаплыме орланымыдам пагалена, тудым те Христос верч чытенда.

13/26 Иверской иконы Божией Матери (принесение в Москву в 1648 году).

Тропарь, глас 1

Юмым Шочыктышо, Кучен Ашныше Ёдыр, Тый декет ўшанен да йöратен толшо-влаклан Тыйын святой юмонат деч пареммаш да польш тичмашын пуалтеш. Поро Яндар Ёдыр, тыгак мый декем, черле деке, толын, Шке порылыкет дене капем паремде да чонем серлаге.

Кондак, глас 8

Юмым Шочыктышо Ёдыр, Тыйын святой юмонатым тушман деч арален кодаш манын, ик тулык вате тудым тенгызыш колтен да Тыйын иконет Афоным да Иверский монастырьын Капкажым Аралыше, тушман-шамычым лüдыктышö да православный Российыште Тыйым пагалыше-влакым чыла ойго да орлык гыч утарыше лийын.

Величание

Тыйым моктена, Юмын ойырен налме Эн Яндар Ёдыр, да ўшан дене толшо-влаклан пареммашым пуышо Святой юмонатым жаплена.

14/27 Мучеников Назария, Гервасия, Протасия и Келсия (54-58).

Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: вет орландарыше-влакым Тыйын пуымо виет дене сüмырал шуэныт да ия-влакын тептердыме ўчыштым шалатеныт. Нунын молитвашт дене, Христос Юмо, мемнан чоннам утаре.

Кондак, глас 8

Юмын волгыдын волгалтше орланышыже-влак, öрыктарыше пашадан волгыдыж дене те чыла чонаным волгалтареда, нелылыкын пычкемыш йüдшым корандеда да Христослан, Ик Юмылан, мемнан верч чарныде кумалыда.

Величание

Тендам моктена, тендам моктена, Христосын орланышыже-влак Назарий, Гервасий, Протасий и Келсий, тендан чот жаплыме орланымыдам пагалена, тудым те Христос верч чытенда.

15/28 Преподобного Евфимия Новаго, Солунского (889).

Тропарь, глас 8

Юмылан йöрышö Евфимий ачана, мыланна Юмын пуымо тус тый денет турьы аралалтын: вет шке Ыресетым налын, тый Христос почеш каенат да, пытышаш капым коранден, колыдымо чон верч тыршаш пашат дене туныктенат, сандене тыйын шүлышет Суксо-влак дене пырля куана.

Кондак, глас 2

Юмын пуымо ушан преподобный Евфимий, илышын толкынжым икшырымын эртен, шинчавуд йогынет дене капдыме тушман-влакым сенгенат, паремден кертме вийым налын, түрлö сулык деч утарет да мемнан верч чарныде кумалат.

Величание

Поро пиалан улметым моктена, Юмылан йöрышö Ефимий ачана, тыйын нерген святой шарнымашым аралена, вет тый монах-влакым виктарыше да суксо-влак дене мутланыше улат.

16/29 Мученика Лонгина сотника, иже при Кресте Господни (I).

Тропарь, глас 4

Господь, Тыйын орланышет Лонгин индыралтмыж верч Тый дечет, мемнан Юмына деч, курымашлык венецым налын: вет орландарыше-влакым Тыйын пуымо виет дене сүмырал шуэн да ия-влакын тептердыме учыштым шалатен. Тудын молитваж дене, Христос Юмо, мемнан чоннам утаре.

Кондак, глас тойже

Черке таче орланыше Лонгиным пагален шарна, кечыжым йывыртен пайремла да тыге ойла: Христос, Тый мыйын кучышем да пентгыдылыкем улат.

Величание

Тыйым моктена, тыйым моктена, святой орланыше Лонгин, да чот жаплыме орланыметым пагалена, тудым тый Христос верч чытенат.

17/30 Пророка Осии (820 г. до Р.Х.).

Тропарь, глас 2

Господь, Тыйын Осий пророктым шарныме кечым пайремлена, да тудым ўжын, Тыйым сөрвалена: мемнан чоннам утаре.

Кондак, глас тойже

Осий пророк, Господын күштымыжым шуктыммо чын корно дене каенат, Святой Шүлыш дене темын, ончык ужын моштымашым налынат да Христос толшаш саман нерген Израильлан каласенат, йомын коштшо ен-влакым шылталенат да Күшыл Иерусалимыш нангайыше чын корныш виктаренат. Юмын ончлыно шогымет годым мемнан верч чарныде кумал.

Величание

Тыйым моктена, тыйым моктена, Юмын пророкшо Осий, да тыйым пагален шарнена, вет тый мемнан верч Христос Юмынам сөрвалет.

Преподобномученика Андрея Критского (767)

Тропарь, глас 4

Эре шарныме поро пиалан Андрей ачана, Юмылан йөрышө орланыше, курыкышто пүтым кучен иленат да тушман-шамычын чоян кержалтмыштым тый Ыресын вийже дене сененат. Ёшанымашын кердыже дене Копронимым пуштын, орланымаш дене лүдде вүдылалтынат, тидлан көра Юмо деч венецым налынат.

Кондак, глас 3

Орланыше Андрей, чын ёшанымашын светильникше, Кугыжан олаже таче тыйым шарныме волгыдо кечым палемда да, чыла ола ден элым ёжын, шкенжын кугу поянлыкше, тыйын орланыше капет, тудын дене улмылан куана.

Ин кондак, глас 8

Лүддымылык лүмым нумалшылан таум ыштена, Юмын порылыкшым умылтарышым йөрәтен моктена. Юмо дене поро пиалан да Господь деч йодаш тоштшо, мемнамат чыла шучкылык деч утаре, да тыланет мурена: эре шарныме ачана, куане.

Иконе Богородицы «Избавительница»

Тропарь, глас 4

Утарен налше Чот поро Ёдыр, Тыйын святой түсет Божественный чудо дене волгыдо шүдыр гай волгалтын да ойгын пычкемыштыже улшо-шамычым порылыкын кечыйолжо да Тыйын чаманымет дене волгалтарен. Мыланнат ойго деч утлымым, чон ден капын черже деч пареммым, утаралтмаш ден кугу чаманымашым пу.

Кондак, глас 8

Эн Святой Госпожа, ойган-шамыч Тыйын юмонат деке ёшан дене толыт да Тыйын полшымет дене чыла осал деч утлат. Христос Юмын Аваже, кызытсе да курымашлык шучкылык деч мемнамат утаре, да тыланет мурена: мемнам чыла ойго деч Утарыше, куане.

18/31 Апостола и евангелиста Луки (I).

Тропарь, глас 3

Святой апостол да Евангелийым возышо Лука, мемнан чонлан сулык касарымашым пуыжо манын, чаманыше Юмым сөрвале.

Кондак, глас 2

Поро Уверым чын туныктышо Божественный Лукам, каласен мошташ лийдыме тайным почын ойлышым да черкын шүдыржым, моктена. Шүмын шонымыжым палыше Христос, Юмын Шомак, тудым язычник-шамычым туныктышо апостол Павел дене пырля ойырен налын.

Величание

Тыйым моктена, тыйым моктена, Христосын апостолжо Лука, Христосын
Поро Увержым шарымет годсо орланымет ден пашатым пагален шарнена.